

Nä, Vadder, det verbidd' ick mi!  
 So is et nich gekoam!  
 Doch will ick foorts vertellen di,  
 Woher ick düt genoahm.

Hüt brocht' ick noa de Stadt hennin  
 Eikholt, unn unverhofft  
 Feel unnerweggens ut den Sinn  
 De Mann mi, de't gekoft.

Bedröwt föhrt' ick de Stroat entlang,  
 Wusst' nich woher, wohen;  
 Doa gung vörby met iel'gen Gang  
 En lustig Bengalken.

Dick pluustrig seeten äm de Hoar',  
 Doarup ne gröne Kapp;  
 Sin Rock met Schnören, ach! de woar  
 Verdüwelt kort unn knapp.